



La Quotidiana
 7007 Chur
 081/ 255 52 52
<https://www.suedostschweiz.ch/laquotidiana>

Medienart: Print
 Medientyp: Tages- und Wochenmedien
 Auflage: 3'244
 Erscheinungsweise: täglich

Seite: 18
 Fläche: 54'990 mm²

Auftrag: 3009371
 Themen-Nr.: 140008
 Referenz:
 adcb1b9a-db0f-4e66-bd36-e75277533908
 Ausschnitt Seite: 1/2

160 onns fan las soras da Glion mo dil bien per biars

Giusep Capaul, Mustér

Cun ina occurrenza festiva-religiusa - beneventai dalla priura generala **Annemarie Müller** OP - han las soras **dominicanas** da Glion commemorau dacuort ils 160 onns d'existenza da lur monasteri. Sut l'egida da cusseglier naziunal Martin Candinas, cun cooperaziun dil president dil Club Lions «Tgina dil Rein», Martin Tomaschett, e da numerus hosps ein ins seregurdaus dalla liunga tradiziun vivida tras scolaziun, formaziun, tgira e carezia durant 160 onns dalla cuminonza dominicana da Glion. Quella ha agiu ed urau el spért digl'evangelii, mettend l'entira veta en survetsch dil concarstgaun. Introduciu il giubileum han ins tras ina devoziun impressiunonta, dend in sguard sin il vargau e prestau dalla cuminonza monastica giubilara.

Prestau bia en Surselva Martin Candinas ha schau passar revista con che las bunas soras da Glion han tut prestau en e per la Surselva sin iniziativa ed engaschi dil

fundatur, sur Gion Fidel Depuoz da Siat, cun decisiv sustegn dalla confundatura sora Maria Theresia Gasteyer, ina Tudestga, dapi 1865 tras ferm agir social en spért cristian. Da menziunar ein specialmein las ovras: il spital regional a Glion, la scola da tgirunzas, quella dallas puras, era a Glion, introduciu scolettas en plirs vitgs e menau casas per attempai en Surselva.

Da Glion ano ei lur activitad s'extendida lunsch sur ils cunfins dalla Surselva. Inagada en ulteriuras parts dil Grischun sco dalla Svizra, on l'Austria e Tiaratudestga ed avon 100 onns sur lur missiuns schizun en China, Brasilia, sillas Filippinas ed a Taiwan ed eregiu a Glion ina atgna procura persuerter. Cun lur accumpignar e segidar prest globalmein en biars ed impurtonts muments dalla veta han ins procurau in ver mund human e cristian.

Ins ha tuttina speranza pigl'avegnir

Cul project «Igl'avegnir dalla claustra da Glion» han las **dominicanas** da leu aviert ina via, per che las portas dalla Casa restien **vinavon** aviartas, era sche negina mungia habiteschi forsa in di en claustra.

Fetg commuentaus ha perquei Martin Candinas exclamau: «Glion san ins buca s'imaginar senza sia claustra. Las **dominicanas** s'audan semplamein en nossa regiun.» Martin Tomaschett renda attents alla donaziun tras la fiasta dil marcau da Glion sco segn d'engraziament allas soras da Glion, menziunond che quellas hagien fatg ton dil bien a numerus. Musicalmein ha Pascal Gamboni embelliu la commemoraziun.

Engraziau e sperau In bellezia engraziament ha la priura generala, **Annemarie Müller** OP, exprimiu culs plaid: «160 onns **dominicanas** da Glion ei stau ina via da survir, in testament da carezia ed ins ha envidau ina glisch a speranza.»
 FOTO AUGUSTIN BEELI

Datum: 12.09.2025

La Quotidiana
7007 Chur
081/ 255 52 52
<https://www.suedostschweiz.ch/laquotidiana>

Medienart: Print
Medientyp: Tages- und Wochenmedien
Auflage: 3'244
Erscheinungsweise: täglich



Seite: 18
Fläche: 54'990 mm²



Auftrag: 3009371
Themen-Nr.: 140008
Referenz:
adcb1b9a-db0f-4e66-bd36-e75277533908
Ausschnitt Seite: 2/2



La claustra da Glion ha dacuort festivau il giubileum da 160 onns.